

Այսօր տեղի է ունեցել Հայաստանի Հանրապետության կառավարության բարեգործական ծրագրերի համակարգման հանձնաժողովի հերթական նիստը, որը վարել է հանձնաժողովի նախագահ Սիմոն Տեր-Սիմոնյանը:

Հանձնաժողովը քննարկել է 17 բարեգործական ծրագիր: Մասնավորապես, քննարկվել և հաստատվել են՝

«Հայաստան» համահայկական հիմնադրամի կողմից իրականացվող «Գորիս-Ստեփանակերտ ավտոճանապարհի ծածկի հորատում և լաբորատոր փորձարկումներ», «Հայաստանի Հանրապետության Տավուշի մարզի «Այգեհովիտ» պոմպակայանի էլեկտրաֆիկացում», «Հայաստանի Հանրապետության Տավուշի մարզի Խաշթառակ-Դիտավան ոռոգման ջրանցքի կառուցման նախագծում» և «Օրորոց» ծրագրերը:

Մայր Աթոռ Սուրբ Էջմիածնի կողմից իրականացվող «Հին վոհարանի շենքի նորոգման» և «Մայր Աթոռի կաթսայատան վերանորոգման» ծրագրերը:

«Մատենադարան» հիմնադրամի կողմից իրականացվող «Մատենադարան» Մեսրոպ Մաշտոցի անվան հին ձեռագրերի գիտահետազոտական ինստիտուտ» ՊՈԱԿ-ի գլխավոր մասնաշենքի և շրջակա տարածքների վերակառուցման նախագծուն» ծրագիրը:

«Հայաստանի ֆուտբոլի ֆեդերացիա» իրավաբանական անձանց միության կողմից իրականացվող «Վազգեն Սարգսյանի անվան հանրապետական մարզադաշտի ենթակառուցվածքների բարելավում» ծրագիրը:

«Հայկական Կարիտաս» բարեսիրական հասարակական կազմակերպության կողմից իրականացվող «Հայաստանի Հանրապետության Շիրակի մարզի «Ոսկեհասկ-Բայանդուր» խմելու ջրագծի վերանորոգում» ծրագիրը:

«Երևան իմ սեր» հիմնադրամի կողմից իրականացվող «Սբ. Հովհաննես Մկրտիչ եկեղեցուն կից քաղաքային սոցիալ-հոգևոր ենթակառուցվածքների զարգացում» ծրագիրը:

«Զերմուկ սոցիալ-տնտեսական զարգացմանն աջակցության» հիմնադրամի կողմից իրականացվող «Զերմուկ քաղաքի առողջարանային մասի արտաքին լուսավորության ցանցի վերակառուցում և արդիականացում» ծրագիրը:

Հայաստանի Հանրապետության գիտությունների ազգային ակադեմիայի «Հինարար գիտական գրադարան» ՊՈԱԿ-ում ցանցային միջավայրում աշխատող թվային բովանդակության ձևավորման կենտրոնի ստեղծում» ծրագիրը:

«Վորլդ Վիժն Ինթերնեյշնլ» միջազգային բարեգործական կազմակերպության հայաստանյան մասնաճյուղի կողմից իրականացվող «Հայաստանի Հանրապետության Գեղարքունիքի մարզի Գավառ համայնքի հանրային պուրակի բարեկարգում», «Ամառային ճամբար Հայաստանի Հանրապետության Շիրակի մարզի Գյումրի քաղաքի և Մարմաշեն ու Հովունու գյուղերի 600 երեխաների համար», «Հայաստանի Հանրապետության Գեղարքունիքի մարզի Գավառի տարածաշրջանի համայնքների երեխաների համար քրիստոնեական ամառային ճամբարի անցկացում» և «Հայաստանի Հանրապետության Տավուշի մարզի 20 համայնքների երեխաների համար քրիստոնեական ամառային ճամբարի անցկացում» ծրագրերը:

Հայաստանի Հանրապետության կրթության և գիտության նախարարության «Երևանի Մխիթար Հերացու անվան պետական բժշկական համալսարան» ՊՈԱԿ-ի հասցեով ստացված բեռի ներմուծման ծրագիրը, որի նպատակն է նպաստել Հայաստանի Հանրապետությունում բժշկական ծառայությունների ընդլայնմանը ու որակի բարձրացմանը:

Նիստում քննարկվել և հաստատվել են նաև նախկինում հաստատված ծրագրերի շրջանակներում իրականացվող հարակից գործարքներ և տարբեր կազմակերպությունների հասցեներով ստացված բարեգործական բեռների ներմուծման ծրագրեր: